

逸仙醫案

逸
僊
醫
案

己巳中秋
汪展

六 一 草 堂 醫 學 叢 書 第 一 集 第 一 種 仙 方 註 釋

提 要

是書清代程正通先生遺方先生爲古
 欽仙醫但未嘗著書傳於今者僅遺方
 五十有七則吉光片羽彌足珍視世人
 都以仙方目之惟原方簡約含義淵博
 非盡人可解經吾衢名醫程錦雯先生
 註釋厥義大彰研究醫學者不可不讀
 書出無多欲購從速

(價 目)
 連史 四角
 洋紙 二角

代經售 上海 三馬路 千頃堂書局

此 書 有 編 纂 不 許 翻 印 翻 印 必 究

中華民國十八年十月望日初版

六一草堂 醫學叢書 第二集 第一種 (後附方藥玄機)

(逸仙醫案) 平裝一厚冊定價洋八角

編纂者 衢縣龔香圃

出版者 六一草堂

發行者 六一草堂

經售者 上海 三馬路 千頃堂書局

衢縣北門廣生堂

承印者

三元 衢縣南門街 印書社

六一草堂醫學叢書總序

遜清乾嘉之際通儒碩學達官貴人競事刻書搜索所至雖殘篇斷簡不遺故當時所輯之叢書爲特多而一介寒素畢生心血賴以存諸世者正復不尠夫當纂書之時殆無有不抱流傳久遠之念者顧或鼠食蟲殘毀其稿本則是書初未嘗出乎篋中其有轉相鈔寫稍流人間然副本不多苟不幸而遇刀兵之災勢亦將同歸於盡欲期一書之流傳久遠非付諸梨棗殆無他道然此初非易事而作者什九鮮其力終必待好刻書者始克成之故纂書於文獻固有所貢而刻書者導之入於世之功初不下之乾嘉諸老之有功於文獻卽在斯耳予友龔子香圃遂於醫學而搜羅醫籍尤爲盡力其於未刊稿本更珍視之今年夏積歷年所得及其自纂都爲十二種分輯叢書四集擬刊行之十二種中半爲其外王父雷公少逸纂雷公因嘗專力於纂書而無會以盡刻其書者也今龔子竟之可謂能完其先輩志矣夫龔子以醫活當世人也然其不自足更以餘力事纂述以活後世人復分其財而完先輩之志其所貢初不僅在於文獻而功且浮於乾嘉諸老予將以斯書流傳遠且廣以論龔子濟世之功更望龔子續有所得而續刊之也

民國拾五年丙寅夏同里戴銘禮序

劉序

余既爲雷少逸序所著時病論一書卽諗知其家學淵源之有自蓋庭訓克承識達人之有後楹書能讀卜哲嗣之必昌爲欽佩者久之今春手其 尊人逸仙先生遺稿見示閱之皆臨症時所立方案數百餘則少逸將以付梓索余一言爲重余於醫之一道無能爲役然嘉少逸述事之善又烏能已於言哉嘗論醫之立方猶作文也方之有案猶文之審題也審題既精而後布局措辭其意確立案既切而後用藥施治其效神然非素熟孔孟之理而又寢饋於古作者之林則一題到手曾淺深虛實之不知文更無論矣非深窺軒岐之奧而又考究諸大家之說則一證到手曾表裏寒熱之不知方更無論矣二者雖詣吝之不同其難一也 逸仙先生秉性聰穎詩古文辭一經探索皆若天授惜兵燹後遺失無存余雖未窺所造何如第就是編而論其立案則洞切病源一審題之悉中肯綮也其方之君臣佐使無不合宜一文之賓主開合無不愜心貴當也不泥於古亦不徇於今一文之獨出機軸高下入時雅俗共賞也此非博覽羣書深造有得曷克臻此宜乎令譽著於生前嘉名傳於身後先達謂文人一生精血所在其神靈必憑式而呵護之以畀其子孫斯又何獨不然哉少逸負盛名於時食報正未有艾其速付之剞劂以公同好則可爲臨證者指南又何殊臨文之模範也而先生且以不朽矣

種一第集二第書叢學醫堂草一六

光緒十年歲次甲申陬月之吉儘先補用道知衢州府事安陸劉國光拜撰

逸仙公小傳

先大父光天公由閩客衢郡嘉慶戊午娶衢童文傳公女生

先君逸仙公

諱煥然
字春臺

卅角受業胡韓成先生舞勺成篇稍長通經史因家窘遂棄儒從程芝田先生學醫盡得其祕道光辛丑攜家僑寓龍邱行道凡遇小恙治必悉心危症尤竭力病急者不辭風雨家貧者不計醫金嘗著有醫博四十卷醫約四卷詩稿八卷俱未付梓迨咸豐辛酉孟夏旣望髮逆竄龍倉皇出走諸書及什物皆遭燬仍返柯城行醫出則臨症歸卽訓豐市歲以來過勞染疾忽於壬戌夏五而逝祇遺方案數百餘則豐珍藏篋筓歷有年所今付之剞劂以誌手澤之新并述

先君一生之苦志爾

光緒七年歲次辛巳暮春上浣男豐百拜謹述

緣起

逸仙先生余之外曾祖也業儒攻醫學富心慧遜清道咸之際爲吾衢醫林之白眉嘗著有醫書暨詩稿數種惜洪楊之役都被遭燬祇遺方案數百餘則外祖少逸公屢擬梓行卒未果茲特爲編次門類分訂二卷刊入叢書中既可完少逸公未竟之志亦可公諸同好耳

編次者附識

六一草堂醫學叢書二集總目

逸仙醫案

二卷

修園醫粹

六卷

增補本草詩

二卷

林氏活人方

七卷

逸仙醫案目錄

逸仙醫案二卷細目

上卷

下卷

六淫門

內風門

癰瘰門

崩帶門

寒疫門

欬喘門

嘔噎門

胎前門

瀉痢門

血證門

腫脹門

產後門

疳證門

虛損門

諸竅門

瘡疾門

消症門

雜治門

霍亂門

痺痿門

調經門

逸仙醫案卷上

雷逸仙先生遺著 元外孫 龔香圃編次校刊

六淫門

劉右 經謂邪風之至疾如風雨今忽受瀼沚惡風頭疼欬嗽是風邪初客於肺表也當用輕疏之劑以透皮毛庶不致誤

淡豆鼓三錢

荊芥穗一錢

薄荷葉一錢

紫蘇葉八分

冬前胡錢半

苦桔梗一錢

檳榔紅一錢

淨蟬退一錢

加葱葉七莖爲引

十一日

陳左 沐雨櫛風途中勞頓偶然微冒即噴嚏頭疼鼻流清涕脈浮略數當用微辛疏透以茶調散增減治之

川芎一錢

薄荷葉一錢

荊芥穗一錢

蘇梗一錢

橘紅一錢

白芷一錢

省頭草一錢

甘草八分

加細茶葉一撮爲引

初六日

王左 經謂傷於風者上先受之今晨頭面忽浮瀼然毛聳寸脈舉取有力分明冒風之症法宜疎散爲主

荊芥穗錢半

薄荷葉一錢

香白芷八分

紫蘇葉一錢

綠升麻四分

茅蒼朮八分炒

加乾荷葉三錢爲引

廿一日

逸仙醫案卷上

鄭左 浮分脈數沉取亦然體熱頭疼欬逆口渴此風溫之邪首先犯肺漸入於胃之候法擬辛涼輕透治之

薄荷葉一錢

豆卷二錢

蟬退八分

冬桑葉二錢

連翹二錢

桔梗半錢

加鮮蘆竹根四錢大洞果三個入煎

初九日

又 進辛涼輕劑諸證漸差惟欬未已時賢謂欬逆是風溫必有之證寸口獨數嬌臍尚有餘氣還當清透

淨蟬退一錢

冬桑葉三錢

甜杏仁三錢

象貝母三錢

馬兜鈴八分

苦桔梗錢半

加刷淨蜜炙枇杷葉三錢入煎

十一日

劉左 風溫入肺欬喘無痰身熱汗少蓋由風與溫皆屬陽陽盛則化火火盛則燦金寸脈大者邪在上也昔賢謂風溫先受於手經宜用辛平解表法

冬桑葉二錢

淡豆豉三錢

大牛旁一錢杵

苦桔梗一錢

苦杏仁二錢

象貝母二錢

瓜簍壳二錢

淨蟬蛻七分

輕煎服一劑

十一日

又 辛平解表法已脗合矣體熱退盡欬喘亦疎惟脈息尚有滔滔之象此肺經餘熱未解楚也再循舊法治之務宜謹慎風寒莫飲醃膠爲要

冬桑葉二錢

甘菊花一錢

瓜簍壳二錢

浙貝母二錢

馬兜鈴七分

種一第集二第書叢學醫堂草一六

生米仁三錢

白茯苓三錢

生粉草六分

加枇杷葉二錢去毛蜜炙爲引

十二日

程左

體本陰虧感受溫熱熱襲肺經而欬嗽作矣右寸之脈滑數有力口渴極喜飲涼胃中亦有熱熱既

劫津斯津不上生薛氏云肺賴胃津以養宜用潤胃清肺法治之

北沙參三錢

冬桑葉錢半

浙貝母二錢杵

瓜蒌壳錢半

麥冬三錢

鮮石斛三錢

加甘蔗漿一瓢沖服 廿一日

又

溫熱已解肺胃並虧宜治以麥門冬湯庶可痊愈蓋由肺喜潤胃喜甘故也

參條三錢

麥門冬三錢

霞天麴二錢

玉竹二錢

北沙參三錢

炙甘草五分

加紅棗四枚粳米一撮 廿三日

李左

脈象如循榆莢寒熱無汗口渴苔黃此表受春寒夾有伏氣在內宜從春溫用藥先以辛散透之使

見熱渴輒用寒涼則寒邪非但不解而伏氣益不能達矣

紫蘇錢半

秦艽錢半

廣陳皮二錢

葛根半錢

豆豉三錢

生粉草

八分

加葱白五寸爲引 廿四日

蔣左

按得脈息陰陽俱浮良由感冒風邪引動伏氣致使發熱有汗欬嗽口乾胸次不舒氣機膈鬱此風

溫擾攘於肺甫入於胃顯然法當微辛以解表微苦以清裏

淡豆豉三錢

桔梗錢半

杏仁二錢杵

浙貝母三錢杵

冬桑葉二錢

第一集第二書醫學堂草六一

連翹二錢

瓜蒌壳二錢

生甘草五分

加活水蘆根四錢爲引 二十日

又 諸恙漸愈矣今診脈形恰似春風舞柳此邪氣肅清正氣甫復之象惟作事不耐辛勞未行數武遂覺喘急當補天真一氣精神自可復原

熟地黃五錢

西潞黨三錢

熟黃精二錢

雲茯苓二錢

土炒於朮一錢

懷山藥二錢

炙甘草六分

補骨脂一錢鹽水炒

加胡桃肉二個爲引 廿九日

陳左 昔賢謂春應溫而反寒是爲非時之氣一有不慎遂感寒邪以致頭體皆疼寒熱無汗所患渴飲之證乃伏氣內動之徵脈息舉之有餘按之則數此春溫時證與風溼兩途宜乎微辛之劑先解其表若蚤進涼藥不惟外邪不解而伏氣益深伏矣

荊芥穗錢半

北秦艸錢半

薄荷錢半

蘇梗一錢二分

膚皮錢半

豆卷三錢

防風一錢二分

淡豆豉三錢

加葱葉七莖折去兩頭作引 初二日

又 前作春溫論治頗有微汗則邪由是而衰病首已瘳惡寒亦減惟體熱未淨口渴苦黃此表寒透達溫熱尙炎誠恐津液被劫耳急進甘涼之劑清熱保津用長沙白虎爲君倘無譫語神昏逆傳之變可免

煨石膏五錢

知母錢半

西洋參二錢

寸麥冬三錢

鮮蘆根六錢

生甘草一錢

加粳米一撮

李左 起病灑然毛聳身體漸熱欬嗽微渴胸次不舒脈象兩寸俱大此是太陰感受風溫以其風從東來

種一第集二第書叢學醫堂草一六

乃解凍之溫風也宜用辛平輕劑治之

淨蟬退一錢

淡豆鼓三錢

瓜蒌壳錢半

牛蒡子錢半

薄荷葉八分

杏仁二錢杵

苦桔梗錢半

廣陳皮錢半

河水清煎二劑

十一日

韓左

脈形一息六至身體壯熱舌色純黃推其致病之原良由客歲過勞汗出失其固密則邪氣由玄府

襲入伏而不發是爲伏氣當此陽氣弛張之候感冒微邪卽引動伏熱炎炎之勢所以初起卽熱渴而不惡寒此爲溫熱病也急宜以進清透之方倘蹉跎失治必發昏狂可不慎歟

淡豆鼓四錢

連翹四錢

豆卷四錢

桔梗一錢

瓜蒌殼二錢半

生

甘草六分

加鮮蘆竹根五錢爲引

又

既進清透法稍得微汗體熱略減口渴依然脈轉卑而縮下舌苔黃而不潤欲大便而不得此軀殼微

邪已達而津液又被熱傷陰分本虧恐邪深陷於裏宜遵香巖先生甘鹹寒法倘夷猶而不敢嘗則熱勢

日炎而津液日涸矣

西洋參三錢

生石膏五錢

黑元參錢半

麥門冬三錢

細生地四錢

元明粉二錢

加鮮蘆竹根五錢

胥左

風溫時證滋擾兩旬閱蕭江二翁之方似乎不分軒輊診其脈滑數而來體熱雖不甚狂而神識似

不清爽赤斑發於肌肉舌色深絳而乾此溫熱深入於營津液被劫之局非清涼宣透不克復元姑擬一

第一集第二冊書叢學醫堂草六一

方即希商定

牛旁子錢半

薄荷葉一錢

連翹三錢

西洋參二錢

元參二錢

犀

角一錢

升麻五分

生甘草五分

加乾荷葉三錢爲引 十二日

王左 經謂先夏至爲病溫溫邪擾攘六七朝矣始則頭疼欬嗽繼則壯熱口乾舌絳苔黃脈數有力此邪由太陽而入陽明素屬陰虧常清氣熱佐以滋養

生石膏四錢

知母一錢五分

細生地四錢

元參一錢五分

鮮蘆根五錢

瓜簍殼二錢

杏仁二錢

生甘草五分

加鮮荷葉一枝爲引 廿一日

又 熱邪深擾津液被傷致令口渴喜涼舌色更增絳燥時有譫語似乎邪入心包但獲養經旬從未大解右關沉實實由燥結陽明當用潤劑以通之此釜底去薪之一法也

製大黃三錢

元明粉二錢

杏仁霜三錢

陳枳實二錢

西洋參二錢

開麥冬三錢

細生地三錢

元參一錢五分

急流水煎服

廿二日

又 前法獲效更衣兩三次穢而且多此熱邪由是而解所以舌苔轉潤神識稍清今惟睡覺口乾定屬陰傷液耗書謂熱邪之後宜清補以養之邪勢十衰其七當清養之中兼理餘邪諒不至柄鑿爾

大生地五錢

開麥冬三錢

東洋參二錢

西洋參二錢

懷山藥二錢

明玉竹二錢

蟬退九隻

白通草一錢

濃煎緩服 廿三日

種一第集二第書叢學醫堂草一六

許左 脈數有力舌苔黃焦口渴極喜飲涼計有七八日矣其溫熱之勢猶是炎炎不已淮陰先生云火能令人昏水能令人清今加神昏譫語者水不足而火有餘不待言矣細察前醫之方雖稱平安然尺水不能却蕭邱之熱也據鄙意宜用大隊甘寒做玉女清宮之意可已

煨石膏四錢

酒炒知母二錢

細生地四錢

開麥冬三錢

黑元參二錢

淡竹葉一錢

犀角一錢

開連翹二錢

加蓮子心三十枚爲引

廿二日

又 焦苔已退足徵清熱之功但舌色絳而無津此溫邪偏入於營中也神昏譫語依然如昨誠恐逆傳心包之變

連翹三錢

犀角一錢

大生地四錢

麥冬三錢硃染

西洋參二錢

元參二錢

丹參二錢

淡竹葉一錢三分

加鮮菖蒲一錢爲引

廿三日

又 昨與蕭先生議法究未出清熱存陰之範圍今溫熱之勢雖衰而真陰早已被其劫矣脈來虛數舌絳無津痰癰神昏汗如雨瀉此欲脫之象也急用酸甘鹹法以保其陰擬進大定風珠望援萬一

大生地五錢

驢膠珠二錢

元武版三錢

生牡蠣二錢

寸麥冬三錢

五味子三分

鈎屯鈎四錢

冬桑葉三錢

加鷄子黃一個入煎

潘媼 起恙纖微瀉漸繼而壯熱汗少口渴喜涼或爲溼溫宜用宣化或爲傷寒宜用辛溫九日以來未有一方桴鼓而熱渴依舊如前舌苔黃燥無津脈象愈沉愈數此即古人所謂熱病也當用甘寒之劑非特

六一草堂醫學叢書第二集第一種

逸仙醫案卷上

生津保液亦且助汗透邪

鮮蘆根六錢

開連翹三錢

開麥冬三錢

天花粉錢半

生石膏五錢

生甘草五分

加梗米一錢入煎 十三日

錢左

交夏至來相火司命天氣炎熱勢逼人感之即病壯熱大渴飲涼右部脈弦苔黃而潤此由喝氣與伏邪交并而作當從熱病論治此與傷寒先表後裏之法迥異

生石膏五錢

鮮蘆根六錢

大豆卷三錢

杏仁泥三錢

淡豆豉三錢

瓜蒌根二錢

淨蟬衣一錢

加鮮荷錢一枚爲引 十七日

又

昨用辛涼之劑微微汗出則壯熱漸輕口渴亦減左脈轉爲滑數晨起鼻衄淋漓此由經絡熱燃逼血出於清道此紅汗也非變病也望勿抱杞人之憂耳

大生地五錢

丹皮一錢五分

犀角尖一錢

開連翹三錢

生石膏五錢

淮牛膝一錢五分

加藕節三錢爲引 十八日

甘左

脈似波瀾舌苔黃燥壯熱不已口渴喜涼唇吻皆乾齒板亦稿此溫熱內擾陽明津液不供於上也先哲云人之陰氣依胃爲養當清胃熱以存其陰

生石膏五錢

開麥冬三錢

細生地四錢

炒知母錢半

鮮石斛三錢

大豆卷三錢

西洋參錢半

鮮蘆根五錢

加鮮荷錢一枚

十六日